

ԵՐՐՐՐՐ ԶԱՅՆ.– Մորթին է պատռում:

ԶՈՐՐՐՐ ԶԱՅՆ.– Վեր բերեք չպատռի:

ԹԱՄԱՂԱ.– Մի պատռի թող յիշատակ մնա:

ԲՈԼՈՐԸ.– (Նազարին) Վե՛ր արի, Զա՛ջ Նազար, բաւական է:

(Վայր են բերում վագրի մէջքից:)

ԹԱՄԱՂԱ.– Վագրը մաշկեցեք: Ի՞նչ անճարակն էք: Եղ Է՛լ Նազարն անի:

Մի քանիսը վագրը քաշում են դէպի խորքը՝ մաշկելու:

ՆԱԶԱՐ.– (Ուշքի գալով) Ո՞ր է վագրը:

ԲՈԼՈՐԸ.– Սպանեցինք:

ՆԱԶԱՐ.– (Նայելով վագրին հագում է ինքն իրեն) Հա՛, հը՛մ... Է՛սպէս էր եղել բանը... (Վագրին դիմելով) Լաւ պրծար ես մի անգամս էլ: (Բարձր հագալով, գիտացիներին) Բա ես անելո՞ւ բան էր, որ արիք:

ԲՈԼՈՐԸ.– (Շփոթուած) Ի՞նչ կա:

ՆԱԶԱՐ.– Ի՞նչի սպանեցիք, ո՞վ էր ասում սպանեք:

ԲՈԼՈՐԸ.– Բա չսպանեի՞նք:

ՆԱԶԱՐ.– Ես չեի՞ կարող սպանել: Ափսո՛ս: Հագիւ մի ձի արել, Նստել քշում էի: Վագրին էլ մարդ ձեռ տա՞: Անվնաս անասուն:

ԲՈԼՈՐԸ.– Չէինք իմանում, ես մեկը բաշխի, էլ չենք անի:

ՍԱԶՈ.– (Զախից ներս պրծնելով) Ո՞ր է, ի՞նչ վագր է, ասում են վագր է եղել:

ԲՈԼՈՐԸ.– Ուշացա՛ր: Զաջ Նազարն սպանեց:

ՍԱԶՈ.– (Մեծաբերան) Ջարդուխուրդ կանենք, հա՛... ապա ի՞նչ գիտեք...

ՎԱԳՐ-ՄԱՇԿՈՐՆԵՐ.– (Զեռների վրայ պարզած առաջ են բերում մորթին) Այ հա՛յ...

ԹԱՄԱՂԱ.– Բերեք, փռեք Զաջ Նազարի ոտքի տակ, (Փռում են:) Ապրես, Զաջ Նազար, մեր տեր, մեր փրկիչ: Եսպէս էլ աշխարհքը գցես ոտիդ տակ: (Գիտացիներին) Դե, հիմի վեր կացեք, գնանք Նազարի հետ, ջարդենք հսկաներին:

ԲՈԼՈՐԸ.– Գալիս ենք:

ՎԱՐԺԱՊԵՏ.– Ելէ՛ք:

ՏԵՐՏԵՐ.– Ե՛լ ժողովուրդ:

ՎԱՐԺԱՊԵՏ.– Օ՛վ ազգ ամենայն, գնանք Զաջ Նազարի հետեւից, փրկուենք եւ ճաճանջաւորուենք հայրենեաց փառքով:

ՏԵՐՏԵՐ.– Եւ կամքն աստուծո օրհնեա՛լ եղիցի: